



RELATÓRIU TRIMESTRÁL FUNDU MINA-RAI NIAN

Trimestre ne'ebé termina iha 31 Marsu 2019

KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba trimestre ne'ebé termina iha lora 31 fulan Marsu tinan 2019. Relatóriu ne'e hatudu katak kapitál Fundu nian iha trimestre ikus ne'e mak billiaun US\$16,98 kompara ho billiaun \$15,80 iha fim trimestre dahuluk.

Relatóriu ne'e mós hatudu katak totál reseitas mak simu iha trimestre ne'e hamutuk millaun \$240,27 ne'ebé kompostu husi kontribuisaun *kontribuinte* sira ba Fundu hamutuk millaun \$99,32 no pagamentu *royalty* simu husi Autoridade Nasionál Petróleu (ANP) millaun \$140,97.

Rendimentu husi investimentu Fundu nian ne'e hamutuk millaun \$941,95 kompostu husi kupaun no jurus ne'ebé simu mak millaun \$101,35, mudansa iha valór merkadu nian millaun \$848,72 no movimentu cambiais mak millaun -\$8,12 iha trimestre ne'e. Ne'e rezulta rendimentu ba karteira Fundu nian durante trimestre ne'e 5,90% enkuantu rendimentu sasukat (*benchmark*) nian ba periodu ne'e mak 5,95%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Banco Central de Timor-Leste jere ona portofoliu besik liu ho pontu referensia iha trimestre dala lima nulu resin lima dahuluk. Diferensia entre portofoliu no pontu referensia hahú husi inísiu fundus nian mak pontu baze 6 (0,06%).

Pontu importante husi Relatóriu Trimestre ba dala LV, ne'ebé kobre período 01 fulan Janeiru tinan 2019 to'o lora 31 fulan Marsu tinan 2019, inklui:

- Kapitál Fundus nian mak billiaun \$16,98.
- Osan kontadu bruto fundus nian tama husi kontribuisaun kontribuinte, realeza (*royalties*) hamutuk millaun \$240,27.
- Osan kontadu líquidu ne'ebé sai husi Fundu mak millaun \$4 ba kustu jestaun operasional. Seduk iha transferensia osan husi fundu ba Orsamentu Estadu durante trimestre ne'e.
- Reseitas líkidus durante trimestre ne'e hamutuk millaun \$236,27.
- Rendimentu portofoliu iha periodu ne'e mak 5,90% kompara ho rendimentu referensia mak 5,95%.
- Banku Sentral transfer \$650 millaun ba Timor Gap hodi halo Investimentu Alternativu, Nee exekuta ona iha 10 April 2019.

Hatuir desizaun Estado Timor-Leste atu hetan direitu ba partisipasaun Conoco Philips no Shell Energy nian iha joint venture Greater Sunrise, BCTL simu instrusaun husi Ministra das Finansas Interina iha inisiu Marsu 2019 ba implementasaun investimentu nee iha operasoens petrolíferu liu husi Timor Gap, E.P ka ninia subsidiarius sira tuir Diploma Ministerial nebe hetan apoiu husi Rezolusaun Konselhu Ministru releta tuir mudansa iha Lei Atividade Petrolíferu no Lei Fundo Petrolíferu.

Prosesu sira nee hotu iha fulan Marsu 2019 nia klaran no iha 10 de Abril 2019 BCTL halo transferensia US\$650 millaun ba subsidiarius Timor Gap, E.P ba investimentu iha Operasaun Petrolíferu iha Timor Gap, E.P nian nebe konfirmadu husi aprovasaun Australia nian.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor-Leste nian <https://www.bancocentral.tl>

Dili 02 Maiu 2019

Venancio Alves Maria
Vice Governador

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: [info\(at\)bancocentral.tl](mailto:info(at)bancocentral.tl)